



R. G. ADAMS

Questo libro composto di libretti  
trentanove ha un gran valore.

Il suo più gran pregio consiste nella  
lettera di Cristoforo Colombo in lingua  
Spagnola.



Thomas Randolph Adams


The John Carter Brown Library



GIFT OF

Thomas R. Adams








THE LIBRARY OF THE UNIVERSITY OF CHICAGO

GIFT OF



THOMAS H. ADAMS







98-106-20



Handwritten text, possibly a list or index, visible on the right edge of the page. The text is faint and partially obscured by the binding.



IN REV. ADMODVM  
D. Marcellum Tolosam

CONGREG. CLERICORVM  
REGVLARIVM THEOLOGVM,  
& Concionatorem præstantissimum

*Diuerforum scriptorum Veronensium Elogia.*

Ad Illustriss. & Reuerendiss. D. D. Augusti-  
num Valerium S. R. E. Card. Ampliss.  
& Veronæ Episcopum.



VERONAE, M D X C I.

*Apud Hierony. Discipulum impress. Episcopalem.*

*Cum licentia Superiorum.*



100



AD ILLVSTRIS.  
ET REVERENDISS. D.  
D. AVGVST. VALERIVM  
S. R. E. CARD. AMPLISSIMVM  
ET VERONAE EPISCOPVM  
Patronum suum Colendissimum.



*V*M Marcelli Tolosæ summi Divini  
verbi interpretis, & oratoris præ-  
stantissimi assiduis concionibus uni-  
versa hæc Ciuitas his ærumnosis tem-  
poribus ad pietatis cultum, & cæle-  
stium diuitiarum amorem mirificè  
fuiſſet inflammata, viſum eſt nonnullis eruditis viris,  
qui non mediocrem pariter fructum ex eiſdem reli-  
gioſiſſimi Viri opera perceperant, poematia aliqua in  
eiſ laudem conſcribere, quibus admirationem maxi-  
mam ex tanti Euangelici Præconis præſtantia pridem  
animo conceptam, cum ſingulari in eundem beneuolen-  
tia, & propenſione iunctam veluti effunderent, atque  
omnibus teſtatam facerent. Hæc ipſe, Cardinalis Illu-  
ſtriſſime, & Patrone Colendiſſime, tùm ne temporis  
interuallo diſperirent, tùm maxime vt longè gratiora, &  
venuſtiora in lucem prodirent, in vnum velluti diſſipa-  
ta colligere, typis mandare, atque tuo nomini ampliſſi-  
mo nuncupare conſtitui: æquum enim eſſe videbatur, vt



tibi, secundum Deum, omnium nostrorum bonorum auctori nostra haec, quibus nos assidue cumulas, emolumenta, accepta referrentur, teque ut perpetua gratiarum actione, pro immortalibus tuis in hanc Ecclesiam beneficijs, omnes omnium ordinum homines prosequantur. Superioribus quidem diebus Reuerendissimum D. Albertum Valerium Episcopum Famagustanum Nepotem, & coadiutorem tuum virum pietate, doctrina, vitae integritate omnium predicatione maxime conspicuum ab iisdem ferè doctis viris laudatum, & celebratum esse gaudebam: quocirca & tunc temporis carminum imprimendorum, & dedicandorum prouinciam suscepi. Quae sanè officia à te maxime probatum iri spero, Cardinalis praestantissime, cum grati animi significatio pro viribus magnis, & praeclaris viris exhibita apud omnes laudabilis semper extiterit. Nam quod ad Patrem Marcellum Tolosam spectat, ita concordì omnium voce, & consensu, nos omnes sua oratione, diuini spiritus afflatu concitata, nuper affecit, ut, non tamquam Roma à te transmissum, sed veluti caelitus demandatum omnes suspiciant atq; admirarentur: Pro quo singulari beneficio nemo est, qui tibi intimo cordis affectu maximas gratias non agat, atq; habiturum se perpetuò non polliceatur. Vale Religionis columnen, atque singulare ornamentum.

Amplitudini tuae Illustriss. & Reuerendiss.

Deditissimus seruus

Hieronymus Discipulus Typografus.



DE LAUDIBVS  
REVERENDI D. MARCELLI  
TOLOSÆ THEATINI  
CONCIONATORIS PRÆSTANTISS.

*Diuerforum Scriptorum Veronensium*  
CARMINA.

ANDREAE CHIOCCI  
MEDICI, ET PHILOSOPHI  
ACADEMICI PHILARMONICI.

Elegidium.



*VM canit, & dulci modulatur  
carmina plectro  
Orpheus, inferni limina Ditis adit.  
Pallentesq; umbras, Hecatesq;  
Immania monstra*

*Illiciens varijs furua per antra sonis,  
Euridicem abduxit: sed non quaesita labore  
Coniugij longos condidit illa dies,  
Tantum est ventosas populi depascier auras,  
Terrenumq; humili spe reparare Decus,  
At tu, cui solida virtutum Mente renident*

E



Spectra, nec humano gloria more placet.  
Ut primum eloquio soliti exarsere calores,  
Creuit & ingenij viuida flamma tui,  
Tunc animo Diuum mensis affixus ouanti  
Caelestes fundis voce micante dapes,  
Eumenidumq; acies, atque insidiosa minantum  
Agmina praedonum, Tartareumq; canem.  
Impiger ardenti verborum fulmine terres,  
Cogis & obscura condere nocte caput,  
Ut nec iam varias possint connectere fraudes,  
Pectora nec viro contemnerare suo.  
Quin tu animas, dira vitiorum clade labantes,  
Erigis, & vitae pharmaca vera doces.  
Pharmaca, cretaeas haud inuenienda per oras,  
Nec qua purpureum Sol vehit axe iubar,  
Caelitus illa hominum manant in pectora tantum,  
Quos iuuat aethereo flamine semper agi:  
Non ita cum rapidum Phaebus deflectit in Austrum  
Verberat aduersum fortiter aura nemus,  
Aut ubi sub terras hyemem Sol aureus egit,  
Dissoluit gelidas per iuga celsa niues,  
Torpentes hominum sensus ut verbera linguae  
Exagitant, miris excutiuntq; modis;  
At tibi flexanimae praesertim gratia vocis,



*Suadaq; Nestoreo gratior ore viget:  
Quanto igitur, MARCELLE, ipso præstan-  
tior Orpheo*

*Maius ab exequijs nomen in astra feres?  
Vix unam ille animam rabidis è faucibus orci  
Eripuit, stygio personuitq; lacu.  
Tu, phlegethontæis longe disiunctus ab oris,  
Innumeras animas sydera ad alta vocas.*

E I V S D E M.

Πανδῶρης καλὸν εἶδος ἐτεύξατο πῆμα βροτοῖσιν  
(ὡς ποτ' ἐρέλευσεν κρονίδης) κλυτὸς ἀμφιγυήης;  
ἦν παραδεξάμενος κόσμω ποτὲ πολλ' ἐτιμηθεὺς  
κῆδεα, καὶ θανάτοιο ταχὺ προσῆσε κέλευθον,  
κεινὴ γὰρ κρύερόσσι πίθῳ μέγα πῶμ' ἀφελῶσα,  
Μυριάδας τε κακῶν, καὶ γυγκόρων μελεδῶνων  
ἐπ' ἔρεν ἄτερ προτέρῃς μερόπων εὐδαίμονος αἴσους.

Αὐτὰρ ὁ θεσπεσίῳ χάριτ' ἔπειτα Μαρκέλλος ὑπερβεν  
ἔμμορος ἀρχαίῳ γλώτῃ πίθον ἀμφικάλυψεν,  
ἀλγέα τ' ἀργαλέον τέ νόσων καταδῆσε φάλαγγας  
(αἱ μένος εὐσεβίης, καὶ ἀγνῶρα θυμὸν ἔδουσι)  
Ἀΐθις ἐπειγόμενος γυῖον κύαθοιο κατελθεῖν,  
Ἀΐθυσσιν τε βροτῶν ζαθέω μόνος ἦτορ ἀλάττει  
Αὐτὸς ἔχων ὑπατοῖς ψυχῇ δώροισι βρύσσαν.

ΕΙΣ ΤΟΝ



ANTONII PASINI.



V O' te, quòue tuas celebrabo car-  
mine laudes,

Marcelle, Orator nil Cicerone  
minor?

At potius longe maior, quia sa-  
cra profanis

Præstant, atque pijs cedere ficta decet.  
Diuini es decus eloquij, et noua gloria magnæ  
Partenopes, generis splendor, honorq; tui.  
Pectora namque hilaras dulci moderamine vocis:  
Qua lenis, mulces, allicis, atque rapis.  
Et rursus, dum celsa feris laquearia templi;  
Nunc stimulando agitas, nunc reprimendo tonas.  
Affectus hominum varios discernis, et acer  
Corripis insanos, legitimosq; probas.  
Actio corda mouens, quò vult impellit, et urget;  
Vt per sepe pijs fletibus ora rigent.  
Nemo te melius sacrata arcana recludit:  
Nec te splendidius dogmata sancta docet.  
Laudibus extollit veræ virtutis honores;  
Et vitia increpitans, arguis inde malos.  
Concio tota tuis inhiat sermonibus: ipsa  
Pulpita latantur; teque superba tument.



Nam pia Religio, & sapiens facundia sedes  
Cum probitate, animo constituere tuo.  
Maeste igitur virtute, Pater, sic ibis ad astra.  
Sic Lachesis fugies, Invidiaeque manus.

ANTONII PASINI.

O D E.



ER salve, Pater inclyte,  
Almae Parthenopes maxima glo-  
ria:

Tolosaque domus nitor:  
Divini eloquij praeconantior:

Quem nulla ambitio trahit,  
Lucri aut turpis amor scandere pulpita  
Propellit cupidum nimis.

Vt qui diuitias pro nihilo aestimes:  
Sed quem Religio pia,

Et veri studium, puraque charitas  
Ducit; quod parias Deo

Fructus eximios vocis amabilis.

Salve Evangelij tuba,  
Clangis quae astra super. dulcius altera

Te non auribus influit,  
Tradens iussa Dei, sacraque mystica.



*Te nil candidius , cultius , altius*  
*Sol spectans liquido cernit ab æthere ,*  
*Dum curru volat igneo .*  
*Cultis hoc numeris undique personant*  
*Celsi templa poli tuum*  
*Nomen : nec meritis aqua rependerint .*  
*Nec , si ad nos redeat Maro ,*  
*Iuncto Mæonio grandiloquo sibi ,*  
*Promet digna tuis carmina laudibus .*

BARTHOLOMÆI TORTELLETTI.



*CEANO in magno aurato sub*  
*limine Olympi ,*  
*Ex quo deducit roseas Aurora*  
*quadrigas ,*  
*Ultrà Indos , ultrà littus tellure*  
*repositum*

*Extrema, & primo rutilantem lumine arenam ;*  
*Est locus , & vasto longe de gurgite surgens*  
*Insula, quam duri circum latera ardua montis ,*  
*Et nemorum obiectu , & furuis obscura cauernis ,*  
*Tutantur fluctu à rapido , Polus aureus illi,*  
*Illa Polo meta est , & sydera vertice pulsat .*  
*Hanc nec crediderim pictis tetigisse carinis ,*



Nec longinqua adeo tenuisse per æquora cursum,  
Solvente s nostro Hesperios de littore nautas.

Huc, postquā indignis cecidit cōpressus ab armis  
Romani eloquij Princeps, aurasq; reliquit,  
Scissa comam motrix animi facundia sedem  
Transtulit, & nulli tantos concessit honores.  
Nunc vero, quando lachrymis, quando illa dolori  
Imposuit finem longo, quondamq; relicto  
Iam tandem statuit remeans se reddere mundo,  
Ingenium mirata acre, & manantia ab ore  
Mella tuo, ut primum prodisti matris ab aluo,  
Te te unum elegit, te te unum sponte secuta est,  
Susceptura decus claro à splendore tuarum  
Virtutum, stygios & frenatura furores.

Hinc te caelestis memorantem facta Parentis,  
Et saepe in prauos minitanti verba mouentem  
Miratur VERONA frequens, imisq; mouetur  
Visceribus, large & didicit succurrere egenis,  
Summè iter affectans nitidi ad penetralia Cœli.

At tua pro meritis auro distincta micanti  
Facta nitent astris, dignaq; locabere sede.  
Iamq; omnes te fama canit, MARCELLE,  
per oras  
Italiae decus altum, & Tusca gloria lingua.



F E D E R I C I C E R V T I .



V D I T opes quondam dicendo  
 Græcia magnas ,  
 Numina Suadela dū colit illa Dea.  
 Fudit Egingetes Ciceronis copia fadi,  
 Dūq; reos seruat, publica dūq; in-  
 Exoritur subito tunc controuersia, quisnam (uat.  
 Eloquij laudum præmia iure ferat .  
 Certamen dubium, dubia est quoque palma, disertos  
 Vndique dum populus mittit uterque viros .  
 Græcia pugnabat , Latium pugnabat et ipsum,  
 Ex voto iudex sede locatur HONOR .  
 Qui sic : primi Italici fandi debentur honores ,  
 Cedere Romanis Græcia disce viris .  
 Et meritò : cognouit, quæ tria magna putantur ,  
 MARCELLVM eloquio posse referre suo .  
 Demulcere aures , poterit quis flectere mentes ,  
 Quisue docere queat dogmata sancta Dei ?  
 Tu MARCELLVS eris, cuius faciūdia Cælum ,  
 Atque Erebum miscet , dum tonat ore graui .  
 Tu scelerum facies , tu detestaris Auernum ,  
 Tu profers nobis dona beata poli .  
 Vis dicam ? superum præco descendat Olympo  
 Si PAVLLVS , docto dixerit ore tuo .



FRANCISCI POLAE I. C.



*V*O'D non te longo compellem  
carmine ; quod non  
Laudis arem fidens aquora va-  
sta tuae ,

Hoc faciunt, MARCELLE,  
tua pia flumina linguae ,  
Mentis in angusto vase coacta mea .  
Me fortunatum , si eadem prorumpere possent ;  
Obruerer , fateor : sed mihi dulce foret .


IO. BAPTISTAE CISANI.

*D*ONAT alma fides tibi, supremos  
Orbes posse tua subire mente ,  
Trinum, unūq; simul Deū videre,  
Atque arcana tibi recludit alta ,  
Qua mortalibus haud licet profari

Quin gustare tibi dedit supernum  
Bonum , quò reliquis queas profundo  
Ore pandere , deuiosq; ad astra  
Reuocare hominum gradus malorum ;  
Hoc sperare bonum omnium bonorum  
Spes diuina iubet tibi , tuisq;  
Actis relligione , sanctitate



Plenis, integritate maximaq;  
 Cordi conspicuo, fideq; pura;  
 Hæc vanas hominum, simul caducas  
 Spes monstrat tibi, & unicam in benigno  
 Spem, desiderium Deo locare:  
 Ad hanc viribus omnibus sacratis.  
 Concionibus incitas, & urges  
 Mortales miseros monens, inanes  
 Esse spes hominum, simul fugaces:  
 Verum quot charitas facit labores  
 Pro salute hominum subire, quotue  
 Labores tolerare fronte lata,  
 Quotue Christo animas parare donat,  
 Tot parat Superum Pater Coronis  
 Exornare tuum caput beatum.





IO. ANTONII TVRCI MEDICI,  
Et Philosophi Academici Philarmonici.



DISCEDES ergo? Discedes,  
splendide Doctor?  
Nosq; graui miseros, confectos  
atque dolore  
Ingenti, cupidosq; tui (mirabile

dictu)

Verbi de verbo excelfo, vir magne, repente  
Deseris? ingenium cuius miramur, & alium  
Dicendi genus, ut pote qui, celeberrime, nosti  
Quicquid habet cælum, tellus, & pontus, & aer:  
Tàm citò tu nobis hunc eripis, inclyta Roma?  
I decus Ausonia, expectat te Vrbs, gloria Mundi,  
Vesteq; purpurea induet, id Verona peroptat,  
Quæ te luminibus charis, & pectore gestat.





IACOBI BAPTISTELLÆ.



**V**IDERAT Empyrea cœli mo-  
derator ab arce,  
Tartareis specubus supera ad con-  
uexa volantem  
Monstrorum immanem tristi ter-  
rore cateruam,

Quæ super Aethereas rabido correpta furore  
Auras errabat, miscebatque omnia circum  
Murmure terribili, extremam mortalibus agris  
Perniciem intentans, quò nostri tactus amore  
Summus ab astringera Rex mittit sede Tolosam;  
Insignem pietate, spei qui casside fulgens,  
Iustitiæ & sanctæ thoraca indutus ahenum,  
Candentis fidei clypeo contectus, acuto  
Diuini verbi mucrone armatus in istos  
Dæmonas audentes audentior irruit ipse:  
Fulmineum gladium dum vibrat, dum intonat ore  
Infrendent larvæ, & magno perculsa timore  
Diffugiunt monstra, atque alta tellure recondunt  
Extemplò capita, & ceco clauduntur Averno.



IOSEPHI PORTAE.



*V*M videt, innumeros te collau-  
dare Poëtas,  
Cynthius, & vocis tollere ad  
astra decus;  
Risit, & ò quantum docti fallun-  
tur amici,

*Si* tua carminibus gesta referre putent:  
Omni etenim laude es maior, quem dote superna  
Exornant Tryadis numina sancta simul.  
Nullius hanc poterit facundia tollere lingua,  
MARCELLE, aut certè vox tua sola potest.  
Sic ait, atque tuas memori iubet abdere mente  
Mnemosynem laudes, quam siluisse iuuat.

NICOLAI CALVI CHIOCCI.

**D**

*V*M legem CHRISTI; dum  
sancta oracula Patrum  
Pandens vi multa crimina no-  
stra premis,  
Vtq; piam in normam mores com-  
ponere possis  
Nostros clamandi nulla tibi requies.



Pectore dum toto tandem contendis in illud,  
Ut fructus reddat vinea culta suos,  
Quid mirum? auditum si te matresq; , viriq;  
Undiq; conueniant, nam tibi numen adest.

SYLVANO COCCONIO  
POLITIANO I. V. D.  
ORLANDVS PESCE TVS.



ARRO tibi, inuidia dulci, Syl-  
uane, laboro,

(Si tamen inuidiam verus amor  
recipit) (tuis

Inuideo tibi, quod dulci sermone po-

Illius, nemo quo melius loquitur;

Quod grato frueris vultu, dulciq; TOLOSÆ

Conuictu, quo nil dulcius esse potest:

Sic tamen inuideo, proprium tibi, perpetuumq;

Istud ut esse optem, perpetuoq; precer.

Interea hos versus, quos magno impulsus amore

Nocte hac feci, illi nomine redde meo.

Sique licet, reddendum inter, reuerenter adora,

Et pronus palmis oscula fige sacris.

Hoc, quaeso, reliquis, lepidissime amice, quibus me

Ornasti, meritis, adde, diuq; Vale.



ORLANDI PES CETTI.



ROMA, file, doctæ & vos iam  
taceatis Athenæ,  
Iactare Alciden desine, Galle,  
tuum:  
Nam quæ Graiugenum possedit  
maximus ore,  
Quæque nitens Cicero, ac Amphitrione satus,  
Omnia, MARCELLVS, longe violentior illo,  
Qui Siculos, dirum vicit & Annibalem,  
Possidet: Argolicus quæ quondam egisse Pericles  
Narratur, miris efficit iste modis.  
Fulmina, non voces iaculatur ab ore, animosque  
Huc, illuc versat, præcipitesque rapit.  
Quis grauius scelera exagitat? quis fortius hostes  
Insequitur CHRISTI, sæuaque corda domat?  
Ad bene viuendum, seruandaque iussa Parentis  
Aeterni quis nos acrius extimulat?  
Nunc timet auditor, pallet, totusque tremiscit,  
Nunc sperat, vultus exhilaratque suos.  
Non rarò lacrimas, crebrò suspiria mittit;  
Pœnitet, & pugnīs pectus, & ora ferit:  
Culparum veniam exposcit, mundumque perosus,



Spernit opes, cunctas deliciasq; iacit.  
 Articulos mulier gemmis, & colla catenis  
 Exonerat, loculos euacuatque viri.  
 Hinc ditatur inops, longa & ieiunia pascit,  
 Extinguitque sitim, nudaq; membra tegit.  
 O felix, tantum cui summi Rector Olympi  
 Posse dedit, cuius spiritus ora mouet.  
 Tu potes horrendis animas è faucibus Orci  
 Eripere, & summo conciliare IOVI.  
 Tu potes ardentes iuuenum compescere motus,  
 Ex animisque senum pellere auaritiam.  
 Ipsa pudicitiam per te iam scorta resumunt;  
 Et mulier mundum despicit ipsa suum.  
 O tibi Nestoreos det cœli Conditor annos  
 Vt multas animas mittere in astra queas;  
 Quam primum ut sedes illæ repleantur, opacum  
 Vnde superbiorum Dux ruit in barathrum.

Eiusdem.

Mercurium veteres dixerunt iussa per auras  
 Ferre Deum, & dictis ducere posse feras.  
 Ista tibi quadrat, verè de te ista, **TOLOSA**,  
 Fabula narratur: tu Deus eloquij:  
 Tu veri Iouis interpres, mortalibus agris



*Tu tibi quæ mandat , voce tonante refers .  
Tollite , mortales , ad sidera , tollite vultus ,  
( Ore tonas ) Dominus sic iubet astra mouens .  
Spernite diuitias , fumosos spernite honores ;  
Nos nihil ista iuuant , prætereuntq; cito .  
Cur cum celestes simus , mortalia tantum  
Sectamur ? patriæ nec meminisse iuuat ?*

*Eiusdem .*

*QVIS , diuine , tuis , MARCELLE ,  
resistere dictis ?*

*Qui sue potest tonitrus sustinuisse tuos ?  
Cedimus en victi , tibi nos en dedimus ; I præ  
Te ad cælum sequimur subdita turba Ducem .*

*Aliud .*

*QVOD Verona inopes tam tristi tēpore viuunt ,  
Cum multi in reliquis urbibus intereant :*

*Quòd Veronenses tranquilla pace fruuntur ,  
Cum reliquos perdat seditio populos .*

*Quòd iuuenis castus , seniorq; est dapsilis , uni  
Acceptum referunt , Magne TOLOSA , tibi .*



POLYCARPI PALERMI I. V. D.

Et Academici Philharmonici.



*Me felicē, veræ Pietatis in hortos  
Dum rapis errantes animas, lym-  
phasque salubres,  
MARCELLE, ostendis doctæ  
dulcedine linguæ,*

*Si veluti in pratis, primo cum lumine cælum  
Mane rubet, circumq; rosas, circumq; hyacinthos  
Sedula Apis legerem cælesti è rore liquorem,  
Unde animæ (ah nimium) præberem pabula egenæ:  
Credo equidem Ambrosiam dulcem, nectarq; Deorū  
Gustarem, et magni fierem novus accola Cæli  
In terris, purumque Agnum, pictasque cohortes  
Aligerūm adspicerem, sanctosq; ex ordines Patres.  
Nam tibi facundo diuinus cum effluit ore  
Imber, et assidue campos humectat inertes,  
Tūm steriles fructu æthereo (mirabile dictu)  
Implentur fibræ, præcordiaque humida patrem  
Diuorum excipiunt, sensimq; animantur in ipsum.  
O' fructus nimium optandos, qui palmite pendent  
Humentis, ò dulces fructus, ò dulcia poma,  
Qualia secessu Paradisi clausus in alto*



Vidit Adā numquā Genitor, quæ sancta ministrat  
Fercula, sufficiuntque animæ pia robora semper,  
Vt vitia affecto eijciat de pectore, et inius  
Pullulet æternū mansuro stipite virtus.

Sed me, (proh miserum) lethæo gurgitemersum  
Impius, oblitumque mei tenet hostis, ut alto  
Vix caput attolleret Cœlo cunabula prima  
Mente vaga repetam generis, communia cunctis.  
Nam simul ac animum supera ad conuexa reuoluo,  
Et mecum internis oculis opera ardua lustro  
Immensi rerum Genitoris, ubi ipsa resedit  
Mens secū Aeterni memorans mysteria VERBI,  
Et stupet ignotas Superū spatia per oras,  
Tūc variæ illudunt species, Erebiq; phalanges  
Innumerae è stygijs coniurant sedibus in me,  
Et miserum affectu turbant, tum dira libido  
Exagitat, ventris penitus tum segregat alto  
Pondus iners, tentatque animam qua deuoret arte.

Nephtalico qualis Iuueni, cum iussa Parentis  
Arriperet, Gabelo referens sua syngrapha, longè  
Medorum in Ragem, ut peteret bis quina talenta,  
Jamque suis, comite Aligero, secesserat oris,  
Ingens affluit medio de Tigride piscis,  
Et iam iamque vorans nigro pandebat hiatu



Ora ferox, trepidum aggressus, ripa q; propinquans,  
Talis dira cohors in me consurgit, et usq;  
Imminet, ut pavidum rapiat, merseiq; barathro.  
Quare, age, me instati, bone Dux pcor, exime letho,  
Fer, magne, auxilium, et rebus succurre cadentis,  
Namq; potes, retro ut tandem confusa faceffant  
Agmina Cocyti, et pereant, ceu piscis in acta.  
Eloquio insignis, nec te blandissima Siren  
Nequidquam emisit die iam lucis in auras  
Partenope, et puerum reptantem sustulit ulnis,  
(Antiqua est eadem nostra quoq; gentis origo)  
Quin magis athereis delapsus te orbibus ipse  
Esse reor pennata aliquem de gente ministrum  
Iussa Dei lento pandentem ingentia mundo;  
Nam te hominem supra extollis sermone, docesque,  
Nil mortale sonans, caelestia dogmata ritu  
Caestii, et roseo faciem splendore coruscus,  
Tu tacite humanis irrepis cordibus unus,  
Affectusque vides prauos, reprimisq; fugasq;,  
Tu vinctas soluisq; animas, et subtrahis Orco  
Arte noua, Caloq; elisos erigis alto:  
Italiae columen, quo sospite plurima surgit  
Religio, et veteres abeunt de pectore cura,  
Inferni domitor, celsi reerator Olympi,



*Tu rapis inuitos homines, tu surripis ipsis  
 Mentem, atque ignaros Caeli statione reponis.  
 Non aliter ferrum tacite Magnesia cautes  
 Attrahit, atque sibi innata virtute reuincit  
 Inuitum; en ergo attrahimur, Caeloque volamus,  
 Affectu en corda exuimus, sequimurque trahentem.  
 Ipse quoque abiectis spolijs Acherontis auari  
 Spero equidem, & credo, ut quondam tua iussa secutus  
 Supplicia aeterna effugiam, merearq; salutem.  
 Tu tamen interea nostri non immemor vnqua,  
 Funde preces, nobisque Deum, Pater optime, placa,  
 Horum etenim miseri (credas) magis omium egemus,  
 Quam tua Apollinea virtus sanctissima laudis.*

R A P H A E L I S A N G E L I  
 In Explicationem Euangelij Lazari mortui.



*NON te, sed Christum flentem  
 Spectare videbar,  
 Dum Lazari in vitam mortua  
 membra vocat;  
 Cunctorum in lacrymas conuertis  
 lumina, cunctos,  
 Maxima noscentes crimina flere facis;  
 Non homines posset, diras sed flectere Tigres*



Eloquium, Pietas, Religioque tua,  
Tu lucem cecis præbes, errantibus astra,  
Monstras, quouè poli tramite regna petant.  
Quæ tibi iam patuere fores, reliquisq; patebunt,  
Dum diuina tua iussa sequentur ope.

Eiusdem.

VERONA, ET PIETAS,  
DIALOGVS.

V.



ATA Patris summi, superis  
carissima turbis,  
Quæ rectam pandis sidera  
ad alta viam.

Te lacrymas mouisse meas, sæ-  
uosq. dolores

Vidi, nec fusas te renuisse preces.  
Ad me misisti, quem caros inter alumnos,  
Dilectosq. tuos connumerare scio;  
Cui celsos penetrare polos, arcanaq. summa  
Scire, simul reliquis pandere posse sinis.  
Qui sancto eloquio, sancta probitate corusco,  
Quò vult impellit ferrea corda virum.  
Heu miseri nati recto de tramite cæli.



Errabant, & spes parua salutis erat.  
Egressa Furia barathro, cecisq. cauernis  
Quærebant illos perdere mille modis.  
Dum nimio hic fastu, nimiaq. cupidine honoris  
Impulsus, solus nobilis esse cupit;  
Compressit rabiem tantam, mentemq. repressit  
Elatam, atq. humilem reddidit ore pio.  
Alter auaritiæ stimulis agitatus iniquis  
Iam nihili Ditis munera larga facit.  
Alter damnato Veneris captatus amore  
Cælicolum Regem diligit ex animo.  
Ast alij inuidia detenti, aliena sequentes  
Exoptant cunctis nunc bona summa poli.  
Quærebant alij ventri gratissima dona,  
Qui modici varias delitias renuunt.  
Nolebant alij hostiles deponere rixas,  
Qui modò condonant iurgia fronte bona.  
Ocia sectantes alij turpissima vitæ,  
Adiunxere sacris pectora muneribus.  
Tantum sacra potest sacri facundia Alumni  
Alma tui Pietas, & sine labe fides.  
Quæ ex animis prauas potuit conuellere stirpes,  
Atq. bonas plantas cordibus inferere.  
Iam fructus gratos referent syluestria corda,



*Omni bus inuerſis dulcia amara ferent .  
Iam ſuperum Reſtor cœli de vertice rorem  
Demittens nobis cœlica dona dabit .  
O Pietas , requies noſtrorum optata laborum ,  
O clades noſtras commiſerata malas ;  
Iam quicunque tibi ſe ſe debere fatetur ,  
Quæ nobis Patrem concilias ſuperum .  
Ad nos quæ tantum dignata es mittere Alumnus ,  
Cuius deſixum pectore nomen erit .  
P. O Verona tuos natos feciſſe iuuabit ,  
Quæ meus hic iuſſit carus Alumnus eis .  
Nam tandem poterunt cœleſtia ſcandere regna ,  
Atq. frui ſecum cuncti potente Deo .  
U. Squammoſi citius piſces vaga flumina linquēt ,  
Ex animis noſtris quam pia iuſſa fluant .  
Et quæ præcepit ſemper feciſſe iuuabit ,  
Nam quæ præcepit , præcipit ipſe Deus .  
Ipſe prius fecit , nobiſq. exempla reliquit ,  
Spreuit opes orbis , reſtuit omne decus :  
Discipulus bonus ipſe ſui præcepta Maſtri ,  
Suscipiens fœlix regna beata petet .  
O Pietas cunctos facias euadere Chriſti  
Discipulos , necnon pectora cæca regas .  
Multa tuus ſermone pio perfecit Alumnus ,*



*Tu firmes animos, erige, cum recidunt.  
Nam Duce te secum superas veniemus ad oras,  
Et nobis tribuet gaudia summa Deus.*

TARQUINII MORANDI SIRENAE.



*RPHEVS ut quondam, toto  
notissimus orbe,  
Voce perarguta, dulcisona; lyra  
Cœdibus abduxit gentes, victuq;  
ferino;*

*Et traxit plantas, flumina, saxa, feras.  
Sic tu, diuina dicendi præditus arte,  
Dùm solio ex alto dogmata sancta doces,  
Mentes inflectis nostras, & frigida corda  
Flammata accendis voce, TOLOSA, tua:  
Jàm, te orante, redit pax aurea: iamq; recedit  
Lucri, et damnosæ cæcus amor Veneris;  
Temporibus miseris, rerum ut succurrere egenis  
Possimus, nostro pectore cura subest;  
Inclita iàm virtus fulget; moresq; probati;  
Augetur Christi denique Religio.  
Ah tibi ne libeat nostris discedere ab oris,  
Pendere ut liceat semper ab ore tuo.*



VALERII PALERMI  
Academici Philarmonici.



ONIS quidem quamplurimis,  
Magnis, honestis, splendidis,  
Creator, & rector omnium,  
Nos, patriumque solum orna-  
uit, ditavit, & auxit.

Nullum tamen præstantius  
Putamus hoc, quod Luminis  
Cum lux supremi innotuit  
Mundo, & collustras animos, patefecit Olympū.  
Hanc ad sui cultum illico  
Urbem vocauit, & duces  
Sanctos dedit longo ordine,  
Qui populo, ut stella, vitæ fulgore præirent.  
Quos inter, ut cuncti asserunt,  
(Et iure prorsus asserunt.)  
Palnam meret non ultimam,  
Sanguine tam clarus, quam pectore, & ora Tolosa.  
Hic quippe missus cœlitus,  
Quò vi sacra facundia  
Scelerum vepres reuelleret,  
Infereretque animis virtutum semina nostris.  
Id præstitit tam sedulo,



Sudando mane, & vesp̄ri:  
Sublimi, & ex aquo loco,  
Hinc doctrinae acie, diuinis moribus inde.  
Ut obstinatos fregerit,  
Ut roborarit debiles,  
Ut inuitos represserit,  
Et desperatis visus sit reddere vitam.  
Famisque diro hoc tempore,  
(Mirum) beata pabula,  
Dum ferret altis mentibus,  
Tum miseris vacui ieiunia ventris ademit.  
Quare loco iam numinis  
TOLOSA habetur omnibus,  
Vnumque votis expetit  
Verona, ut liceat secū retinere TOLOSAM.  
Quod si secus decreuerint,  
Rerum qui habentis praesident;  
At mente nostra haud effluet;  
Dum memores erimus nostri, dū vita manebit.

Eiusdem.

Finissent laudes hic carmina nostra TOLOSÆ,  
Si finem virtus nosset habere viri.



SYLVANO COCCONIO  
POLITIANO I. V. D.



ON ita frondosa queritur Philo-  
mela sub umbra,  
Halcionesq; vdo littore triste  
gemunt,

Ut mea nunc tanti discessu mœsta

PARENTIS

VERONA assiduis imbribus ora rigat:

Quare vel causas tantillum innecte morandi,

SYLVANE, aut miserā, qua potes, arte leua.

Ille tibi arcanos solitus committere sensus,

Tu blando eloquio flectere corda viri.

B. C.

ORLANDI PES CETTI.  
D I S T I C O N.


VR tā multa canā de te, Pater optime, quæris?

In promptu caussa est: multa canenda facis.





















~~H598~~

~~N4795~~

~~V. I~~

J595

N4795

V. I



*Handwritten text on a torn paper label, possibly indicating a title or author.*